



सानसेयारि **“बड’सा”** ख्रीर्लाइयाव
स्माज्यादि जिज्जो लोब्बा थायाव रायथाय, खन्थाय,
स्ल’, स्ल’बाथा आरो दावबायादि थावनि, पार्क
बाइदिनि सायाव लिन्नाय लिन्नाय दैथाय हर्/
सानसेयारि **“बड’सा”** ख्रीर्लाइया सेबस्त्रानावै
फोस्त्रावोन/
बड’सायाव लिन्नायनि हुदा खालाम,
“बड’सा” ख्री नोथा, जौ बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 5 June, 2025 Kokrajhar, BTC, Assam ★ Vol.-35, Issue No. 71 ★ R.N.I.Regd.No.40994/91, Assam Govt. Regd.No.IPRD.40/2006/3, Rs.8/-

राइज्यो सरकारआ ड० भुपेन हाज 'रिकानि 100 थि बोसोरारि जोनोम सानखौ गाजा-गोमजायै खुंफुंगोन : गिबि मन्थि

ड० भुपेन हाज 'रिकानि बिहोमाखौ हादतनि मोन 23 रावआव बिजाब दिहुन्नायनि थांखि

डिसपुर, 4 जुन: मुलुगनाझरि
देखोगिरि भारतरल ड० भुपेन
हाज 'रिकानि 100 थि बोसोरारि
जोनोम सानखौ खुंफुंनयनि
थांखिजौ गिबि मन्थि ड० शर्मानि
मासि सामलायनायाव दिने सुबुं
सिबिथाइ भवनआव गाहाइ
गौथुमनि गिबिसिन् जथुम्मा
खुंफुंनयखौ नुनो मोन्दों। बे
जथुम्मायाव गोबां मोखाडारि
देखोगिरिन् बोसोरारि 100 थि
जोनोम सान फालिथाइखौ
जाफुंसरै मावफुंनो थाखाय गुवारे
सावरायनाय जायो। जथुम्मायाव
गिबि मन्थि ड० शर्मा आ
फोरमायनाय बायदिक्ला राइज्यो
सरकारआ सोलफु बोसोरारि 8
सेप्टेम्बरनिफ्राय फैगो बोसोरारि
8 सेप्टेम्बरसिम भारतरल ड०



भुपेन हाज 'रिकानि आबुं
बोसोरारि जोनोम सान खुंफुंनो
थाखाय थांखि आजावनाय
जादों। राइज्यो सरकारआ

जैरेबायदि फालिनो रहा लादों,
बेबायदिनो गुबुन-गुबुन
फसंथान गाइसन्थाइनि
बान्जायनायावबो जोनोम

सानआरि खुंफुंथाइखौ
हास्थाइदों। राइज्यो सरकारआ
राइज्यो राजानि हाबाफारि महरै

थैनो रेंडे देखोगिरिन् जोनोम
सानखौ फालिनो नागिरदों होन्ना
गिबि मन्थिआ मिथिहोबावदों।
थैनो रेंडे देखोगिरिन् जोनोम
सान फालिथाइआ जाहाते
आबुं गाजा गोमजायै
खुंफुंजायो बेनि थाखाय राइज्यो
सरकारआ राइज्यो राजाफोरखौ
थुलुंगा होनायजौ लोगोसे बे
बिथिडाव गासैबो बिथिनि
हेफाजाबखौ होगोन होन्ना
फोरमायदों। देखोगिरिन् जोनोम
सान फालिथाइनि बाहागो महरै
डिबुगाइ उगं गाथोनखौ ड० भुपेन
हाज 'रिकानि मुडै दोन्नायनि
थाखाय राइज्यो सरकारआ
आखाइआव लादों। बे
(□ 6 बिलाइआव)

क-अपारेटिभ फसंथानआ लाइमोनफोरनो गावबा-गाव आथिडाव गसंथानो खाबु होयो: राइज्यो बेंगिरि

सा-सान्जा राइज्योआव गाइखेर दिहुन्नायनि सायाव जट'खा हाबाफारिनि थांखि



गुवाहाटी, 4 जुन: आसामनि राइज्यो बेंगिरि
लक्ष्मण प्रसाद आचार्यआ जुनाद फिसि आरो
फाहामथाइ बिफान आरो सोनाब आसाम गाइखेर
दिहुन्थाइ क-अपारेटिभ इडनियननि बान्जायनायाव
खुंफुंनय मोनसे हाबाफारियाव बाहागो लानानै
आसामाव गाइखेर दिहुन्थाइनि बिथिखौ
फोजौखानायनि सायाव जट'खा नोजोर होनायनि
बाथा बुंथिनायखौ नुनो मोन्दों। बे हाबाफारियाव
राइज्यो बेंगिरिया क-अपारेटिभ जावरिखानायखौ
गोखौ खालामानानै ओन्सोलनि एबा राइज्योनि

खामानि गैजायै जेनाखौ आरो गावनि आथिडाव
गसंथानो हानाय राहाखौ लाइमोनफोरनो होनांगौनि
सायाव बिबुंथि लाखिदों। क-अपारेटिभ
फसंथाइफोरा ओन्सोलनि राइजोनि हादरनि
लाइमोनफोरनो गोदान लामाजौ गोजौ थाखोनि
आदबजौ फोरंथाइ होनानै गावसोरखौनो
फसंथानायनि बिथिडाव राहा लानांगौ होन्ना
फोरमायदों। भारत सरकारनि क-अपारेटिभ
फसंथाइखौ फोजौखानायनि बिथांखि बायदिदै
2021 मायथाइनि (□ 6 बिलाइआव)

जिउ गोमानाय उकिल लाजमा यासमिननि नख 'राव बिजेपिनि गाहाइ बुंथिगिरिआ नुजाथिहैदों



भबानिपुर, 4 जुन: भबानिपुर
आन्सलिक फरायसालिमानि
लांगोनायाव थायाव फुलरतल
सकआव 27 नं माहारियारि राजा

लामायाव सोमजिनाय लामानि
जाब्रबथाइआव जिउ गोमानायाव
लाइमोन उकिल लाजमा
यासमिननि भबानिपुरनि लुवासुर

गामिनि फिसाइनि न'आव दिने
बिजेपिनि आसाम राइज्योआरि
गौथुमनि गाहाइ बुंथिगिरि मनज
बरुवानि दैदेन्नायाव बिजेपिनि
गोबां दैदे नगिरि
मावफारियाफोरनो नुजाथिफैनो
हानायखौ नुनो मोन्दों। जिउ
गोमानाय उकिल लाजमा
यासमिननि भबानिपुरनि लुवासुर
गामिनि फिसाइनि न'आव
थानानै न'खरनि सुबुंफोरखौ
लोगो हमनानै दुखुथिया
नख 'रिनिसिम गोथौ दुखु मोन्नाय
फोरमायनानै जिउ गोमानाय
यासमिननि जिउमाया जाहाते
सोर्गो आव आलो गोजोनै
थाहैयो बेनि थाखाय मनज
(□ 6 बिलाइआव)

फरायसा-फरायसुलिफोरा 25 रोजा रं अनसुंथाइनि हेफाजाब मोनगोन : केबिनेट

बड'लेण्डनि थाखाय 843 कौटि रंनि पाण्डखौ गनायथि होबाय



गुवाहाटी, 4 जुन: दिनै डिसपुर
सुबुं सिबिथाइ भवनआव
आसाम के बिनेट जथुम्मा

खुंफुंनयखौ नुनो मोन्दों।
जथुम्मानि जोबनायाव गिबि
मन्थि ड० हिमन्त बिश्व शर्माआ

राइज्योआरि के बिनेटनि
थांखिफोरखौ खोरंगिरि मेलनि
गेजेरजौ फोरमायथिनायखौ नुनो
मोन्दों। दिनैनि बे केबिनेट
जथुम्मायाव बड'लेण्डनि
थागिबिफोरनि थाखायबो मोनसे
गोजोन्थाव खौरां
हाबफादेरनायखौ नुनो मोन्दों।
मख'नो गोनादि, बड'लेण्डखौ
फोजौखानो थाखाय दिनैनि
केबिनेटआव गिबि मन्थि ड०
हिमन्त बिश्व शर्मा दैदेन्नाय
सरकारआ 843 कौटि रंनि पाण्ड
गनायथि होनायखौ नुनो मोन्दों।
दिनैनि बे केबिनेटआवनो
कनकलता मुलुग सोलौंसालिनि
थाखाय 400 कौटि रंनो
गनायथि होदों। गहपुराव
कनकलता मुलुग
(□ 6 बिलाइआव)

पुलिस खुंथाइआ गं 10,944 जौ बेलाथि आरो बियार बथल सिलिंखार खालामदों



माजबात, 4 जुन: उदालगुरि जिल्लानि माजबात पुलिस थानानि
बेंखनाव थायाव सिकारिदांडयाव दिने जिल्ला खुंथाइआ गं 10,944
जौ बेलाथि बथल आरो बियारनि बथलखौ सिलिंखार खालामदों
होन्ना खौरां मोन्नाय जादों। मिथिनो मोन्नाय बायदिक्ला बे आयेन
बेरेखा बेलाथि जौ आरो बियार बथलफोरखौ माजबात पुलिस
थानानि बिबानगिरि सन्जय कुमार दुबे आरो लालफानि पुलिस
आउट पस्टनि आइसि प्रनब बरुवाआ मोनसे सोद सुलुंखौ बिथा
खालामानानै नायबिजिरसनायनि गेजेरजौ माखासे साननि गेजेराव
माजबातआवनो हमनो हादोंमोन। बेनि उनावो दिने उदालगुरि
जिल्ला बिजिरसालिनि बिथोन बायदिदै हमनानै दोन्नाय आयेन
बेरेखा जौ बेलाथि आरो बियार बथलफोरखौ सिलिंखार
खालामानायखौ नुनो मोन्दों। आयेन बेरेखा जौ आरो बियार बथलखौ
सिलिंखार खालामानाय समाव (□ 6 बिलाइआव)

गसाइगाव बुरासारा दैसायाव सासे लाइमोननि गोथै देहा बोखांदों जाथाइनि सायाव नायबिजिरसं नांगौनि गोखौ दाबि



गसाइगाव, 4 जुन: कक्राझार जिल्लानि गसाइगाव 1 नं दावागुरि
गामिनि बुरासारा दैसायाव दिने ओन्सोलनि सासे लाइमोननि
जिउ गैयै देहा बोखांनो हानायखौ लानानै ओन्सोलनाडैनो
सोमोनानाय थासारि सोमजिदों। जिउ गोमानाय लाइमोनखौ
दावागुरि गामिनि थागिबि जनेन्द्र (□ 6 बिलाइआव)

माक्ताइगाव-सिमलतापुआव केभिकेनि बान्जायनायाव आबादिन सायाव सावरायज्जायदों



गसाइगाव, 4 जुन: गसाइगाव महकुमानि माक्ताइगाव आरो
सिमलतापु भिचिडिचिनि सावराय न'ब्लांआव आलादा-आलादायै
दिने कक्राझार आबाद बिगियान मिर सुंद'यै केभिकेनि
बान्जायनायाव जौगालु आबाद मावथांखि हाबाफारि बान्जायनायखौ
नुनो मोन्दों। माक्ताइगाव भिचिडिचि (□ 6 बिलाइआव)

मावफुं सोद्रोमा सजल सिंखौ माइन 'रिटि थाग्रा ओन्सोलफोराव हाबहोनाय जानाय नडा : नेमसु

सजल सिंआ गावनि बिबुंथिखौ बोखारानानै लानांगौनि गोखौ दाबि



गसाइगावआव केभिकेनि बान्जायनायाव मिलेटनि जोलैजौ लोगोसे बायदि रोखोम आबादिन जोलै रान्दों

गसाइगाव, 4 जुन: भारत
सरकारनि जौगालु आबाद
मावथांखि 2025 जौ लोब्बा
लाखिनानै आसाम आबाद मुलुग
सोलौंसालिनि भारतआरि गोजौ
थाखोनि जोलै नायबिजिरसं
मावथांखिनि बान्जायनायाव दिने
आसाम आबाद मुलुग
(□ 6 बिलाइआव)



कक्राझार, 4 जुन: बिटिसिनि
मावफुं सोद्रोमा एबा श्रीरामपुर
बियाबनि बिजेपिनि मावफुं
सोद्रोमा सजल सिंनि हेंथायै
नेमसु बिटिआर गौथुमआ गोखौ
रावजौ सोंखारिनायखौ नुनो
मोन्दों। मिथिनो मोन्नाय
(□ 6 बिलाइआव)

NERIM GROUP OF INSTITUTIONS **NERIM**
Affiliated to Dibrugarh University, Gauhati University

ADMISSION NOTICE
NERIM announces **Admission for Non-CUET**
Candidate for the following (FYUGP) courses:-
B.COM (Bachelor of Commerce)
BSW (Bachelor of Social Work)
BA (Psychology)

Date of Admission:
➤ From 1st merit list - **5th, 6th, 8th & 9th June, 2025.**
➤ From 2nd merit list - **14th to 18th June, 2025.**
Registration in **Samarth Portal** for new applicants - **19th June, 2025**
➤ **Spot Admission - 20th, 21st, 23rd & 24th June, 2025.**

College admission help desk shall provide assistance
for registration on the **Samarth Portal** Govt. of Assam.

CONTACT NO.: 9954190758 / 9954051419

Prof. Dr Sangeeta Tripathi, Director
NERIM Group of Institutions, Jayanagar, Khanapara, Guwahati - 781022
www.nerimindia.in nerimindia@gmail.com

सुजुगिरिनि खोलोम

आबाद हरिमुयासो खामानि हरिमु सोर्जिगेन

गायनाय-फुनायानो बर’फोरनि आंगो हारिमु। जाय हरिमुनि मबेबा मोनसे नुथायजों बर’फोरखौ आबाद मावनानै जाग्रा हारि हिसाबै गोदेनिफ्रायनो सिनायथि होबोदों। बर’फोरनि गेजेराव जाय गायनो फुनो उदाया बेखौ मावनो रोडै होन्नानै सान्नाय जायो। गायनाय फुनायजोंनो बर’फोरनि गुजि बाहागो जौखोन्दो सुबुंफ्रा सोनारनानै थायो। तामहिनबा आबादनि सायावनो बांसिन बर’फ्रा लामा नायनानै जिउ खुंनांगौ जायो। बुंनो थाडोब्ला आबादआनो जीउ, थांना थानायनि मोनसेल’ राहा।

गायनाय-फुनाय, आबाद मावनायानो बर’फोरनि थांना थानायनि जिउ राहाब्लाबो आथिखालाव साबेसे बर’फ्रा आबाद खालामनो गोनांथि होबोदों। हा हु, मोसौ मोसा दडोब्लाबो आबाद दिखानो, मावनो दांनो गोसो जयैयाव बर’फोरनि फैलाव दुब्लि बारिया सोमख्रै महर गानो रोडखै। खायफानि खाफालाव जुफिदों- हालाव थाड, मैयाव थाड, लेखा फरायावबो सौहाया, हाजिरा मुजिराखौबो मावनो लाजिनानै। जायनि थाखाय खुगानि माइरं मुथासेखौबो मबेबा गोजान राइजोनि सुबुंफ्रासो बोश्चोदनो खाबु मोन्फैदों। बेफोरखौ नोजोर होयोब्ला बेसेबा उन जालांनाय बादि मोनो।

आबाद मावनायानोल’ आबादारिफोरनि थांखिब्ला आबाद दिहुन्नायनि फारसे जांख्रिथाय लाबोनो हानांगोन आरो आबाद मावनायजोंनो खामानि हरिमुबो सोजिंनांगोन। ० आबाद जांख्रिथाय लाबोनो हायोब्लासो आंखाल फोलोमनो गोरलै जागोन। बेनि गोनांथि आरो फेहेरथाया मेगनाव गोरलैथाव महर लायोब्लासो जांख्रिथायनि हाबाफारिया बयजोंबो अनसायनाय मोनगोन। गोदो गोदायनिफ्राय दुब्लि दरसेयाव हासार होया, जोलै बेगर सोलाया सोदाड, एम्फौ एनलानि मुलि होनो रोड जासे लेलाइ लेलाइ नांगोल थसेजोंनो गेर गेर हालेवनानै बोथोर दयाय लाइजासे हाया हाया आबाद दिखानानै जांख्रिथाय लाबोनो हाया। बेखायनो गैयाब्लाबो ट्रेक्टरनि बदलै मोसौ हालजोंनो हासार, दै, सारनायनि राहा, सोदांनाय गोगो जोलै बेगर, मुलि बाहायनानै गोनोखोयारि आदबजों आबाद दिखानो आबादारिफ्रा जांख्रिथाय लाबोनो रेंनांसिगौ। अब्लासो बोसोर सालाव खेबसेल’ आबाद दिखानायनि सोलाइ दरसे दुब्लियावनो जावले आबाद दिहुन्नानै दिहुन्थायखौ बांहोनायजों लोगोसे गोबां मुलाम्फायारी जानो राहा लानांसिगौ। बेनि थाखायनो आबादारीफ्रा राहा दिहुन्नांसिगौ जायजों राइजोनि, हादतनि फारसे जौगानाय लाबोनायजों गावबा गावनि थांना थानायनि राहायाबो स्रा जानाय बादियै।□

दिनैनि फान्जामुधि	
<i>राशि बाइदियै मुंनि गिबि हांखो</i>	
मेष : अ ल बृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ञ झ)	
 मेघ: मानिबा थाखाय जिंगा सिनांनो हागौ। गोसो हमथानानै सोलिंनांगोन।	
 बृष: माबा मोनसे जेंना-जेंसियाव गोग्लैनो हागौ। जैरेबो सांप्रां जानानै थानांगोन।	
 मिथुन: फालांगिरि मावग्रानि थाखाय गाहाम सान। मुलाम्फा खालामनो हागोन। मोजां सान।	
 कर्कट: मोजां रेंग 'थि जानो हानायनि मान बाउजानो मोनगोन। गोसोखौ गोजोन मोनगोन।	
 सिंह: नख 'रआव गोजोन्नाय गैयै सोमजिनो हागौ। जेखि जाया गोसोखौ हमथा।	
 कन्या: जेखियानो जाया न'नि मोजां हाबा मावनानै लानो हागोन। सान्नाया जाफुंगोन। गोथार सान।	
 तुला: मोजां मोनलायनायनि गेजेरजों मिलन जालायनो हागोन। मोजां सान।	
 वृश्चिक: फालांगिरि मावग्रानि थाखाय गाहाम सान। जेखि मावा रंनि मुलाम्फा जागोन।	
 धनु: नख 'रनि जेंना-जेंसिफोरखौ लानानै जिंगा सिनांगोन। गोसोखौ हमथा।	
 मकर: जेखि फालांगियानो मावा मुलाम्फा आरजिनानै लानो हागोन। मोजां साम।	
 कुम्भ: दावबायनो आगान सुरनायाव हेंथा एबा अजद मोन्नो हागौ। सान्नाया जाफुनाय नड।	
 मीन: माखौबा लानानै दावराव-दावसि जानो हागौ। गोसोखौ हमथाना थानाया गाहाम।	

खन्थाइ आरो खन्थाइनि राव

–**अनिल कुमार ब्रह्म**

गिबि गिबि थुनलाइआ सोरंजि जादोंमोन खन्थाइ खबाबजों। थुनलाइ मुलुगनि फैलाव बिखायाव खन्थाइया मा ? सरसन्त्तायै एसेल’ सोदोबजों गोबां बाभ्रा आरो सान्थौ फोरमायनाय सोदोबनि आरिमुखौ खन्थाइ बुडो। सोदोबा मोनसे गोहो। सोरंनि उनावनो सोदोब गोहोआ खरंथि। बेखौ जों जैरे बाहायो, बेबायदिनो सोदोब गोहोआ फिथाइ होयो। सोदोबनि लुखौ जों देंखो बोयोब्ला मिलौदो मेथाइ मोन्नो हायो। इसोर सिबिनाय आर'ज मेथाइ खन्नो हायो। खन्थाइगिरि दावहारुफोर दावहानि खन्थाइ सोरंजिना दावहायाव देरहानायनि बिथांखि लायो। गोबाड दावहानि बेरेखा खन्थाइ लिस्नानै मुलुगखौ सान्थियै लाखिनोबो नाजादों।

दानिया माखासे गेदेमा खन्थाइगिरि आरो सानसुमैफोरनि खन्थाइनि सान्थौ रायखांदिनि। मुंदांछा थुनलाइ बिजिरगिरि ड: जनचननि मथे– “खन्थाइफ्रा खबाम गोनां लिस्थाइ” (poetry is metrical composition) । मिलनि मथे, “सानस्त्रि आरो बाभ्रानि गोरोबथि जेराव आबेगा गावनो गाव हाबसनना थायो”। (thought and words in which emotion spontaneously embodies itself) । कार्लाइलनि मथे–“ खन्थाइफ्रा देंखोयारि सानस्त्रि” (Poems are musical thought)। पि, बि, स्वेलीनि मथे– “बे जादों सानबोलावरनि बेखेव बिजों (It in the Exprission of imagination)। उइलियाम वर्डचवरंथनि मथे– “बेयो जादों गासिबो गियाननिनो हां आरो गोजों सोलेर” (breath and finer spirit of all knowledge) आरो मेथिउ आर्णल्डनि थाखाय खन्थाइआ जादों, “जिउनि बिजिरनाय” (Criticism of life)। संस्कृत गहेनागिरि भीमह'नि मथे, “शब्दाथौ सहितों काबगम”। बिश्वनाथआ बुडो, “स्सात्मक बाक्यं काबयम”।

खन्थाइनि बागै गेदेमाफोरनि बुंफुरलु होनायखौ जों नुनो मोनबाय। बे खेबाव खन्थाइनि इंसि गुमुरखौ मोनथिनो नाजादिनि। बुंनो हायो– खन्थाइया खन्थाइगिरिनि सोरंजिथाइ; खन्थाइगिरिया सोरंजिग्रा। खन्थाइगिरिखौ सासे सोरंजिग्रा होन्नानै गनायना लानायनि थाखायनो खन्थाइगिरिनि सोरंजिथाइखौ सोरंजिलु थुनलाइ (Creative literature) बुंनाय जायो। बाइदि लि्रगिरिया सोरंजिनाया सुंद सल’ सल'मा, फावथाइ बाइदिफ्राबो सोरंजिलु थुनलाइ।

थार गुबैयै खन्थाइगिरिफोराल’ सोरंजिग्रा नड; बिजों लोगोसे फरायग्रा एबा आवरायनाय खोनासंप्राफ्राबो सोरंजिग्रा। नाथाय खन्थाइगिरिहा गावहानो आंगुथि सान्थौ आरो नोजोर थानाया गोनां। बेखौ जुनिया रोखोमनि फोरमायनो हानायावनो बिनि देरहासारनाय। बेखायनो, बुंनो हागौ खन्थाइगिरिनि नोजोर सांप्रां नड, गोफात; बेनिखायनो खन्थाइखौबो सानि महरखौल’ नायाबाला इंसि ओन्थोरजों बिजिर नांगौ जायो। कालेरजिनि मथे– बेसाद मोनसेनि बाइजो मुलुगाव जि महर मोफ्लाम खाडो एबा नुजाथियो, बेयो बेनि थार गुबै महर नड। जौनि गोसोनि मेगनजों बेखौ जैरेबायदि नायो, बेसो बेसादनि गुबै महर।’Dejection An Ode’ मुंनि खन्थाइयाव बियो बुंदों:

“O lady! we receive but what we give
And in our life above does Nature live;
Ours is her wedding garment, ours her shroud.”

जों मिथिंगानो जि होयो बेखौसो मोनफिनो। थामहिनबा मिथिंगायाव जि समाइनाथि एबा फोजोबस्नांलु महर नुनो मोनो, बेखौ जोंनो मिथिंगानि मोदोमाव नोजोर होयो। रबीन्द्र नाथ ठाकुरनि ‘आमि’ खन्थायावबो बेबायदिनो दं: “आमार इ चेतनार रंगे पान्ना हाल सबुज

त्रिपुरानि उनाकटि जिल्लायाव लामानि जाब्रबथायनि उनाव हिंसायारि थासारि सोमजिदों

आगरटला, 4 जुन: त्रिपुरानि सुबुङा खाबु लानानै उनाकटि जिल्लानि खारखुमालाडो आरो खाथिनि किलाशाहरनि कलिशासन चाहा चाहा बागानआव आस्त्रय

बागान ओन्सोलाव मोनसे दुखुनांथाव लामानि जाब्रबथाया हिंसानि थासारियाव सोलायदों, जेराव सासे कार सालायगिरिखौ बुयै बुयै बुथारदों आरो बनि गारिखौ अर सावदों। नुनो मोनग्रा सुबुंफोरनि बादिब्ला, गंसे जोबोद गोख्रैथिजों फैबाय थानाय मारुति एल्टआ सासे चाहा बागाननि लेबार, जायखौ लगेन उरं मुडै सिनायथिनाय जादों, बिखौ दानलांनायाव बियो गोब्राब जोखोम जादों आरो आइथिं फारसेनि हाराया बायदों। उनाव कारआ लामा जिनि नालायाव गोर्ग्लैदों। सुर्लुनि बादिब्ला, थाबैनो कारआव गाखोनाय साथाम लायो। खुद्रि खांनाय नोगोरारिफोरा थाबैनो मोनसे सिग्रोमनाय अपरेशन सालायदों आरो चाहा बागाननि सिडव कार सालायग्राखौ नागिरना दिहुन्दों, जायखौ प्रदिप दास मुडै सिनायथिनाय जादों। होंगो-दोंगोनि समाव बिजिरनायाव खुद्रि खांनाय सुबुंफोर दासखौ गात्रि रोखोमै बुदों आरो बियो जाथाय जानाय

चुनि अ ठान रड खये।

आमि च'ख मेल लुम आकाशे

जवाले अठन आल’

पुवे-पश्चिमे

गलापेर दिके चेये बल्लुम ‘सुन्दर’

सुन्दर ह'ल से।”

रबीन्द्र नाथनि मथेबो नोजोर होग्राया ओन्थोरनिफ्राय समाइनाखौ नायनानै गलापनि सायाव नोजोर होब्लासो गलापा समाइना महरै बेरखाडो। खन्थाइगिरिफोरनि माखासे सान्दांथि:

- खन्थाइगिरिनि थाखाय ओन्थोरनि सानबोलावरि रइजोआसो थार गुबै सैथो।
- हाजों सोरंजिनाय दैहु गंसेया आबुं दै लाना मोखथां जिउनि गांनायखौ सुफुंनो हायो। नाथाय खन्थाइगिरिनि सोरंजिथाइ खन्थाइआ ओन्थोरनि जि हामब्लाइथि बेखौसो सुफुंनो हायो। थामहिनबा, खन्थाइआ देहायारि हामब्लाइनायखौ नड, गोसोआरि हामब्लाइनायखौ सुफुडो।
- थावनि सम आरो पात्र लानानै खन्थाइगिरिनि सोरंजिथाइआ मोखथां मुलुगनि सोरंजिथाइनि समान एबा बेनिखुइ बांसिन खाजेव फैयो। जैरे- मोजां मोन्नायनि बर्नायनाय एबा निदानाव गोदोनाय सासे सुबुंखौ थुर्तुंगा खांहोनाय।
- मोखथां जिउनि गासिबो हाबा-हुखा, मावथाइनि जोबथा थांखिया जादों गोजोन-सुखि जिउ खांनाय मोन्दांथिनाय। खन्थाइगिरिनि जायखि जाया सोरंजिथाइनि जोबथा थांखिया जादों गोसो गोजोगन्गलाय होनानै मोनसे गोदान थाजिम मुलुग दानाय।
- सुबुं जिउनि जोबथा थांखि मोनसेबो थानो गोनां। मानोना थैनायनि उनावबो सुबुं देहानो खलबसे हानि गोनांथि दं। खन्थाइगिरिया खन्थाइआव सुबुंनि गोनांथिखौ सावगारि एरखांना इयुन मुलुगनि महर बेरखां होयो।

खन्थाइनि गुमुरखौ एसेब्लाबो मोनबाय जेब्ला खन्थाइनि राव आरो सोदोब बाहायनायनि बागैबो सावरायनो गोनां। खन्थाइया जिहितु सोदोबनि आरिमु, बेनिखायनो बेनि सोदोब बाहायनाया साबसिननिफ्राय हामसिन जानाया गोनां। होमब्लासो दांसे खन्थाइया सुबुंनि ओन्थोरखौ जै खालामनो हानाय जानो हागौ। लोगोसे बेयो जानानै फैगोन थैनो रोडि सोदोब आरिमुनि सोरंजिथाइ-खन्थाइ। बबैखानि खन्थाइगिरिनि सानबोलावरि आरो सोदोब बाहायनाया सरासन्त्ता फरायग्रानि थाखाय बुजिख’ हायै गोब्राब आरो गुदुबो जानो हागौ। जों सासे आबुं सुबुङा जिउआव मोन्थाम जिउनि आथाल- खुदिया, जुवान आरो बाथायनाय बैसोजों सौग्राव नांगौ जायो। खुदिया समनि थुनलाइ एबा खन्थाइ मोजोमनाया जुवान बैसोनि खन्थाइ मोजोमनायजों रोखोमसे जाया। बेबादिनो बाथायनाय, बैसोनि सुबुंनि रुसियाबो खुदिया आरो जुवान बैसोनि रुसिजों रोखोमसे जागोन होन्नानै सानजाया। खालि बेफोर आथालखौ नोजोर लाखिनानै थुनलाइ एबा खन्थाइ सोरंजियोब्ला राव एबा सोदोब बाहायनाया गुबुन गुबुन जानांगोन। खुदिया थुनलाइनि थाखाय सोदोब बाहायनाया गोरलै-गेबें जानाया गाहाम। नाथाय बयनिखुइ साबसिन आरिमु एबा साबसिन खन्थाइ सोरंजिनो थाखाय सासे खन्थाइगिरिया बे रोखोम बाइदि हेंथाखौ नोजोर होनाय नड। बिजाउनाव खन्थाइगिरिनि खन्थाइया सरासन्त्ता सुबुंनि थाखाय जाया लाबा सरासन्त्ता नडै जानो हागौ। मुलुगनि गासिबो महत मुवायानो सरासन्त्ता नड- असाधारण। सादा-बुसा सुबुङा जायखौ गोरलैयै नुवा, मोन्दांथिनो-सान्दांथिनो हाया बेनो महत। जों सरासन्त्ता सुबुङा जाय खन्थाइखौ बुजिया, साबजाया, नेवसिगारो बेनो महत खन्थाइ जानो हागौ। नाथाय उइलियाम वर्डछवर्थआ खन्थाइनि रावा मानसिया मानसिजों खोथा रायज्लायना राव जानांगौ होन्नानै बुंलांदों। बनि मथेब्ला

गोबां गाहाम खन्थाइनि गाहाम खन्थाइ गज'वा थार गुबैयै मोजाडै लिस्नाय रायथाइ बियो बुंबावो- खन्थाइगिरिया जादों मानसिनि गेजेरनि मानसिनि सोमोन्दै खोथा बुंग्रा सासे मानसि। बेनिखायनो खन्थाइ आरो रायटइनि गेजेराव एंगार थावै फारागथि गैया होन्नानैसो वर्डछवर्थआ लि्रिकेल वेलाडनि रायफोरनायाव लि्रलांदोंमोन।

खन्थायाव राव बाहायनायनि सोमोन्दै सावगारि सानबोलावरि (चित्रकल्प बाद) सान्थौनि सुंथागिरि माखासे थुनलाइगिरिफोरा सांप्रांमोन। बे रोखोम थुनलाइनि सुंथागिरि बिजिरगिरिफोरनि मथेब्ला:

- सरासन्त्ता खोथा-बाभ्रानि रावखौनो खन्थाइयाव बाहाय नांगौ; नाथाय थार रोखोम सोदोब बाहाय नांगौ।
- गोसोनि गोदान हालोद सोरंजिनो थाखाय गोदान खबामनि सोरंजिथाइ लाबोनांगौ। उदां खबामानो खन्थाइ लिस्नायनि मोनसेल’ खान्थि होननाया आर जर खालामनाया गोरोन्थि। सोलिफु खबामनिखुइ उदां खबामाव खन्थाइगिरि सासेनि आखुथिया रासिनै साबसिनै बेरखांनो हागौ।
- खन्थाइनि आयदा सायख'नायाव खन्थाइगिरिहा आबुं उदांसि थानांगौ।
- रोखा नडै सरासन्त्ता खोथाफोरखौ साबना आरो गोमोथाव जाब्लानो एंगार नांगौ।

बेखौ रायखांनो गोनांदि, फरायग्राफोरनि ओन्थोर सुग्रोमनाय गाहाम खन्थाइनि गोबां सारिया थार गुबैयै मोजां रायथाइ खन्थाइयाव बाहाय जानाय रायथाइयारि रावा रइजोआ बाहायनाय रावनिफ्रायबो फैनो हागौ। गासिबो मोखथांबादी थुनलाइयानो सरासन्त्ता सुबुङा बाहायनाय रावखौनो बाहायो। नाथाय बेव आजावनाय-गारनाय खान्थिखौ गासिबो लि्रगिरिफोरानो मानिना सोलियो। आलेकजेन्द्र पुरिस्कननि “आं नोंखौ मोजां मोनो” आबुं खन्थाइ दांसेखो नोजोर होदिनि:

आं नोंखौ मोजां मोनो आरो जानो हागौ दासिमबो।
मोजां मोन्नायनि बे अर सालाइआ जानो हागौ दासिमबो गोमोराखै।

बे अरा आंनि इंसि ओन्थोरखौ एरैबादि खामग्लिदों.....खामग्लिगासिनो....

अब्लाबो आं नोंखौ दुखु होनो हाया..... मानो ?
आं नोंखौ सिरियै स्वार्थ गैया जासे आरो जेबो लुबैया जासे मोजां मोनो।

एनेखि मोनसा आरो लैजा मोनसेयावबो गोथार सैथो बादि।

बिबो जाथे नोंखो आंगोयै आरो गोथारे मोजां मोनो थिक आंबादि खन्थाइनि गुमुर लानानै सान्नानै नायदो-बेयो दांसे खन्थाइ ना ? आलेक जेन्द्र पुरिस्कना बेखौ खन्थाइ होननानै फोसावदों। जौबो गनाय नांगोन- बेयो दांसे खन्थाइ; नाथाय रायथाइयारि रावनि खन्थाइ।

बर’ थुनलाइआवबो बे रोखोमनि गोबां खन्थाइ सोरंजि जादों। बर’ थुनलाइनि सुबुं अनसाइ जानाय सासे खन्थाइगिरया जादों अनजु। “आं माबोरै दं, दासों” खन्थाइ जथाइ बिजाबनि थाखाय बियो बर’ रावनि साहित्य अकाडेमी बान्था मोनखांबाय। बिनि दांसे खन्थाइ “दैमा आरो आं” नि गिबि खन्थाइ गज'खौ रायथाइयारि रावनि खन्थाइनि बिदिन्थि हिसाबै बेव दिखांना होनाय जाबाय।

दैमा आरो आं
“गासिबो दैमाखौ आं आंगो आंगो मोनो
गासिबो दैमाखौ आं सिनायनाय सिनायनाय मोनो
माब्लाबा बबावबा लोगो मोनबाय
औ, बबावबा नुबाय बबावबा खोनाबाय”।□

आसामनि दैबानानि थासारिआ गात्रिसिन जालांगासिनो आरो जिउ गोमानायनि अन्जिमा सा 17 जाहैबाय



सार्क लनि दर 1,506 गामिफोरा दै बानाजों लोमसावजानांदों। जेराव गं 223 रेहाय बादाफोर फसंनो गोनां जादों। राहा बादाफोरव गासै सा 39,746 सुबुंफोरा थानांदों। दै बानाजों 14,739 हेक्टर आबादथिलिआ सिलिंखार जानांदों।बुर्लुबुथुरजों लोगोसे मोन 7 दैमाफोरा आथिखालावबो खै फोद सिमनानि साजों बोहैगासिनो दङ। कटकहल दैमाआ हाइलाखान्डि जिल्लानि माटियाजुरिआव गोख्रोडै सिलिंखार खालामलांदों। जेराव गंनै बेराजआ बायदों आरो गुबुन गंथामआ खहा जादों, जाहोनाव लामा, रेलवे आरो नावफोरनि सिबिथायखौ होबथानाय जादों। गाहाइ मन्थि नेर्रेन्द्र मदिआ गिबि मन्थि हिमन्त बिश्व शर्माजों लोगोसे दै बानानि थासारिनि सायाव सावरायदों आरो मिरु सरकारनिफ्राय थाबैनो हेफाजाब होनायनि खोथा होदों। गिबि मन्थि शर्माआ कासार जिल्लाआव दावबायहैदों, जाय बांसिन गोहोम गोर्ग्लैनाय ओन्सोलफोरनि गेजेराव मोनसे आरो खु'थायखौ रैखांथि राहाफोरखौ गोख्रैयै सोलिहोनो थाखाय बिथोन होनाय जादों।□

मिरु नख'र नेहाथारिआ मनिपुरनि राइज्यो बैंगिरिजों लोगो हमदों

इम्फल, 4 जून: मिरु नख'र नेहाथारि गबिन्द महनआ मनिपुरनि राइज्यो बैंगिरि अजय कुमार भल्लाजों लोगो हमनानै भारत-म्यान्मार सिमनायाव पेन्सिं लागायनो न' गैजायै सुबुंफोरनि थाखाय रेहायनि रहा लामाफोर आरो राइज्योआव आइन-रहानि थासारिनि सायाव सावरयो। बे जथुमआव संगालि आफादनि बिथोनगिरि तपन कुमार डेका, मनिपुरनि गाहाइ नेहाथारि, राइज्यो सरकारनि रैखाथि बोसोनगिरि आरो माखासे गागि बिबानगिरिफोरबो बाहागो लादोंमोन। मोनसे मावख'यारि बिबुंथिनि बादिब्ला, जथुमआव राइज्योजों सोमोन्दो गोनां गाहाइ आयदाफोरनि सायाव



नोजोर लाखिनाय जादों। बेयाव गाहायै न' गैजायै सुबुंफोरनि थाखाय रेहाय आरो न'आव दोनहैफिन्नो नाजानाय, सिमनायाव पेन्सिं लागायनाय

आरो आइनारि रहानि थासारिआ दंफायो। बे जथुमनि समाव हाजो आरो हायेन मोननैबो ओन्सोलफोराव न' गैजायै सुबुंफोरनि थाखाय सोलिबाय

थानाय रेहायनि रहा लामाफोरखौ नायबिजरो आरो आथिखालाव बिसोरनो होबाय थानाय खाबुफोर, न'आव दोनहैफिन्नो नाजानायफोरनि

थासारि आरो बिसोरखौ अरायथायै दोनहैफिन्नो थाखाय थि खालामनाय बिथांखिफोरखौ गुवारै नायबिजरो। बेनि सिगां थानाय समबारखालि मिरु नख'र नेहाथारि आरो संगालि आफादनि बिथोनगिरिनि दैदेन्नायाव मिरुनि टीमआ चुराचान्दपुरआव थानाय मोननै रेहाय बादफोराव न' गैजायै सुबुंफोरजों लोगो हमनानै बे गनै केम्पफोरनि थासारिनि खौरां लायो। टीमआ उरकास वेंआव थानाय रेहाय मिरुआव दावबायो, जेराव मिरु नख'र नेहाथारिआ गथ'फोरनि थाखाय गोखों खाबु आरो आइजोफोरनि थाखाय सिलाइ हाबाफारि बेखेवो। टीमजों लोगोसे मनिपुरनि गाहाइ नेहाथारि पिके सिंह, पुलिस गाहाइ बिथोनगिरि रजिब सिंह, चुराचान्दपुरनि डिपुटि कमिसनार धरुण कुमार एस आरो गुबुन बिबानगिरिफोरबो दंफायोमोन।

गुवाहाटीआव पान्जाब पुलिसनि मोनसे हान्जाया सासे डक्टरखौ ग्रेप्टार खालामदों

गुवाहाटी, 4 जून: पान्जाब पुलिसनि मोनसे टिमआ आसाम गुवाहाटीनिफ्राय सासे डक्टरखौ 1.5 कौटि रां थगायनाय केसआव ग्रेप्टार खालामो। डक्टरआ गुवाहाटीनि सासे केन्सार एक्सपार्ट होन्नानै रिपर्टआव मिबथि होनाय जादों। गुवाहाटीनि मोनसे गावआरि देहा फाहामसालियाव ग्रेप्टार खालामनाय जादों, जेराव डा. सालिंगा केतन नाइक, जाय सासे मोन गोनां सेनियर एडभाइजार आरो रेडिेशन अन्कल 'जि बिफाननि गाहाइ। बिखौ गुवाहाटी पुलिसनि हेफाजाबजों गावनि मावख'निफ्राय ग्रेप्टार खालामनाय जादों। डा. नाइकखौ पान्जाब सहरनि खारर पुलिस स्टेसनआव केस थिसन्नानै नम्बर 56/2025 नि गेजेरजों गोबां रानि गेना-खान्थि खालामनाय केसआव दायनिगिरि महरै गनायनाय जादों। बे केसखौ पान्जाबआव



गंसे देहा फाहामसालिजों लोब्बा थानाय रंखान्थि गेना-खान्थिजों सोमोन्दो दड होन्ना मिबथि होनाय जादों। बिखौ ग्रेप्टार खालामखानायनि उनाव डा. नाइकखौ गुवाहाटीनि बिजिरसालियाव दिन्थिनाय जादों आरो बे समनिफ्रायनो बिथौ पान्जाब पुलिसनि बेंखनाव दोन्नाय जादों। बिखौ इयुनि नायबिजिरनायनि थाखाय ट्रान्जित रिमान्डआव

पान्जाबआव लानाय जागोन। बिनि ग्रेप्टार जानाया आसामनि फाहामथाय हान्जाफोरनि गेजेराव जिगा सिथावना सोमजिखां होदों। डा. नाइकनि गोबाव समनिफ्राय जाफूसरनाय आरो अन्कल 'जिनि सायाव सेनियरिस्टिखौ नोजोर होनानै केसनि सायाव नायबिजिरनाया सोलिगासिनो दड।

मेघालय हाइ कर्टआ 2 लाख मेट्रिक टन आइन बेरेखा खैलानि सायाव नायबिजिरनो बिथोन होदों



गुवाहाटी, 4 जून: मेघालय हाइ कर्टआ राइज्यो सरकारखौ गासै 1.96 लाख मेट्रिक टन आइन बेरेखायै दिहुन्नाय खैलानि सायाव थावैनो नायबिजिरनो बिथोन होदों, जायखौ बावैसो सिगां अख्रांजों नायबिजिरनायनि गेजेरजों सिनायथिदों। बे बिथोनखौ तांनाय 2 जूनआव राइज्योआव आइन बेरेखा खैला जावखानायनि सोमोन्दै सोलिबाय थानाय मोनसे पिआइएल केसनि हियारिनि सायाव होदोंमोन। बे खान्दपीठआव गाहाइ बिजिरगिरि एडस एस थांखिएभ आरो बिजिरगिरि डब्लिउ डिपेंडहआ दंफायोमोन, जायफोरा राइज्योआव खैलाजों सोमोन्दो गोनां केसफोरखौ नोजोर लाखिबाय थानाय बारा' बिजिरगिरि बिपि कटेकआ थांखिनाय 30 थि एन्टेसिम रिपर्टखौ नायबिजिरगासिनो दड। गरुड आरो एमबिडिएनि गेजेरजों इनिनि सायाव बिथा खालामनाय नायबिजिरनाय समाव सान्जा जयन्तिया हाजोफोराव मोन 1,277

जायगाफोराव फोथायजाथावै महरै 1,80,299.48 मेट्रिक टन खैला मोनो। सोलिबाय थानाय नायबिजिरनायाव बे खैला फिर्लाइनि बाहागोमोन।

बिथाफोरनि गेजेराव बैफोर बिथोखौ सिनायथिनो नाजानाय जादोंदि, बबेआ 2019 नि नायबिजिरनायाव बे खैला फिर्लाइनि बाहागोमोन।

अदेबानि बै बाखिफोरखौल' सिआइएल बाखिफोराव निलामीनि थाखाय ट्रेन्सफार खालामनाय जागोन आरो जर'खायै एमएमडिआर नेमखान्थिनि गेजेरजों बोखानाय जागोन। बोखानानै एफआइआरनि उनाव सोनाव खाशि हाजोफोराव 11,330.05 मेट्रिक टन खैला, खोला-सोनाव खाशि हाजोआव 797.56 मेट्रिक टन आरो खोला गार' हाजोआव फोरमानलाइ गैयै 35.01 मेट्रिक टन खैलाआ दंफायो।

मणिपुर-आसाम सिमनायाव हाथियार जब्द' खालामदों

इम्फल, 4 जून: रैखाथि हान्जाफोरा आसाम-मणिपुर सिमनायाव सन्देह खालामथाव कुकि-ज'-हमर आन्डरग्राउन्ड आफादनि सोद्रोमाफोरनि गेजेरजों गायसन्नाय मोनसे अरायथा नडै केम्पखौ बोखारो। बे जुथाय हाबाफारिखौ मिरुआरि आरो राइज्योआरि सान्थि हान्जानि गेजेरजों जर'खा



संगालि खौरानि सायाव बिथा खालामनानै सालायनाय जादों। बेनि फिथाइ महरै गोबां बिबानि हाथियार, गुलि-बारुद आरो दावहायाव बाहायग्रा मुवा-बेसादफोर जब्द' खालामो। नाथाय आथिखालाव रावखौबो ग्रेप्टार खालामनाय जायखै। बे केम्पआ जिबिबाम जिल्लानि जिरिबाम पुलिस स्टेसननि सिडाव थानाय राशिदपुर ओन्सोलाव दडमोन, जाय

आसामनि सिमनाजों नांजाबनाय। बे अपारेसनआ गासै 3 घन्टा सोलियो, जायखौ ओन्सोलाव अत खारिफोरनि हाबाफारिफोरखौ हेंथा होनो आरो उतखारि आफाद दाफिन्नायखौ होबथानाय थांखिजों खालामदोंमोन। सिग्रोमनाय समाव सान्थिफोरा गुबुन गुबुन रोखोमनि हाथियार बोखाडो, जेराव गंसे डाबल-बेरल हाथियार, गंधाम

हादतआरि बेरल हाथियार आरो गंसे पम्पी हाथियार दंफायो। जायगानिफ्राय मोन्नाय गुलि-बारुदफोरनि गेजेराव एके-राइफलफोरनि थाखाय गर 42 गोथां राउन्ड, गंसे एम 16 राउन्ड, गरसे एसएलआर राउन्ड, गर 7 स्नाइपर राउन्ड आरो गरसे आइएनएसएसए राउन्डआ दंफायोमोन। बेनि अनगायै केम्पनिफ्राय थरनै हेन्ड ग्रेनेड, गां 7 बुलेटग्रुफ जेकेट, गनै हेलमेट, गंधाम केमफ्लेज हेन्डबैग, मोननै मेगजिन पाउच आरो 9 जरा कम्बेट जुता बोखाडो। अपारेसननि उनाव बोखानो मोन्नाय मुवा-बेसादफोरखौ आइनआरि नायबिजिरनो थाखाय गथायना होयो।

मणिपुरनि सेनापतिआव अल नागा स्टुडेंट्स एस'सिएशन मणिपुरनि धर्नाया हिंसायाव सोलायदों

इम्फल, 4 जून : अल नागा स्टुडेंट्स एस'सियेशन, मणिपुर (एएनएसएम) नि गेजेरजों खुनाय 48 घन्टानि अफिस पिके टिं धर्नाया थांनाय मंगसवारखालि सेनापति जिल्लयाव हिंसायाव सोलायो, जायनि फिथाइ महरै पुलिस एस'पिनि गंसे सरकारि गारिया ख'हा जायो। बे धर्नाआ भारत-म्यारमान सिमनायाव पेन्सिं लागायनाय आरो फ्रि मुभमेन्ट रेजिम (एफएमआर)खौ होबथानायनि हेंतायै गुवारै सोमावसारनायनि बाहागोमोन, जाय धर्ना होग्रा आरो बिबानगिरिफोरनि गेजेराव जेनाखौ बांहोयो। रिपर्टनि बायदिब्ला, गोजोन धर्नाया



मोनसे हिंसायारि जाथायाव सोलायो, जेब्ला धर्ना होग्राफोरा गागि सरकारि बिबानगिरिफोरनि गोखोडे हेंथा होनायजों मोगा-मोगि जाना गोब्राबै एसपिनि मावख'यारि गारिखौ बेल्थायहोयो। एसपिनि सायाव धर्ना होग्राफोरनि दाबि दैखानायफोरजों सोमोन्दो लाखियैनि दाय जाबसिनो। बे

समाव सासे सिआरपिएफ जवानखौ गावनि सिबिथाइ होग्रा हाथियारखौ लड खालामनो बिथोन होयो आरो गोब्राबै हंगो-दोंगोखौ हुमखि होयो, जायजों थासारिया गाजिसिन जायो। बे धर्नाआ एएनएसएमनि हाबाफारिनि जोबथा खोलोमखौ सिनायथि होयो, जाय मणिपुरनि गासै नागा थागिबि हाजोयारि

No. DT-P/397/2006-20/Pt-II/

EDUCATIONAL

EXTENSION OF LAST DATE FOR SUBMISSION OF ONLINE/OFFLINE APPLICATIONS FOR ADMISSION INTO 1ST YEAR OF THE 3 YEARS OF BACHELOR OF SCIENCE (B.Sc) PROGRAMME IN HOSPITALITY AND HOTEL ADMINISTRATION IN THE INSTITUTE OF HOTEL MANAGEMENT, GUWAHATI.

The office of the Director of Tourism is pleased to inform all the intending candidates for admission into 1st year of the 3 years of Bachelor of Science (B.Sc) Programme in Hospitality and Hotel Administration in the Institute of Hotel Management Barbari, Guwahati that the last date for submission of online and offline applications has been extended to another 12 (Twelve) days i.e. upto 16th June. 2025 till 3:00 PM and no application will be received thereafter.

However, all other terms and conditions of the advertisement including eligibility criteria, qualifications etc. for admission shall remain unchanged.

The Selected candidates will have to attend an oral interview if called for which will be intimated in due course of time.

Sd/-
Director of Tourism, Assam, Guwahati-1.

DIPR /D/BSA62/5-Jun-25

रडिया डिभिजनआव एअइसइ मडिफिकेसननि खामानि

इ-टेन्डर फोसावथाय नं.: इएल-आरएनआइ-डिआइ-06-2025-26 अक्ट. 30-05-2025। गाव्याय होनाय हाबाफोरनि थाखाय गाहायनाय सामान होजानाय सुबुंफोरजों इ-टेन्डर होखायहनाय जायो।
खामानि मुं: अ.इएस.इ. सोलायनाय कि.नि. 156/ 5- मिर्जा-आजायथाव आर.अ.बि. लुनायकों सोमोन्दो लाखिनाय खामानि मावो। टेन्डरनि बेसेन: 27.31.994.84 रं. अगिप रं. 54,600 रं. इ-टेन्डर जोबनायनि अक्ट आरो सम: 23-06-2025 नि 15:00 रिंगा गोजीनि इ-टेन्डरनि थाखाय टेन्डर डकुमेन्टफोरजों लोगोसे आबु फोस्मायथिखौ वेबसाइट www.ireps.gov.in आव मोनो हालो।

सिनियर डिडि, रडिया सा-सान्जा सिमना रेलवे
मिनिस्त्नायजों ग्राहकफोरनि सिबिथाइ

रोताबागान आरो खान्दिकारआव एस.टि.वि.ए. थिसनथाइ

एनआइएटि नं.:सि/460/आरएनवाइ/एसडिबिए/24/एनएसजि-6 आरो 5 अक्ट. 30-05-2025। भारतनि हादरगिरिनि जानानै एन.एफ. रेलवे, रडिया डिभिजन, कामरूप-781354 नि देरसिन खोन्दोआरि फालागिगारि सामलायगिरिया थाम (03) बोसोननि थाखाय थिखानाय बिथायनाय मोनसलै 'पेकेट अपेन टेन्डर खान्थिनि सिखव एनएसजि-6 थाखोनि स्टेशनफोराव स्टेशन टिकेट बुकि' एजेन्ट (एसडिबिए) नि मासिनि थाखाय थिखानाय महाराज (एनएसए-एआव रं) आरो 'ज लाइ होखायहरदों। आर'ज लाइ गथायनायनि जोबथा अक्ट' आरो समआ 08-07-2025 नि 13:00 रिंगा आरो 08-07-2025 नि 15:30 रिंगायाव बेखेवगोन। बे एजे सानावनो सेनियर डिभिजनल कमारसियेल मेनेजर, रडियानि केन्डार आव। वेटेन्डर नटिसखौ वेबसाइट www.indianrailways.com आपलड खालामनाय जागोन।

डिडिएम (सि), रडिया डिभिजन सा-सान्जा सिमना रेलवे
मिनिस्त्नायजों ग्राहकफोरनि सिबिथाइ

No.CSB/BTC-06/2025/79,

NOTICE

It is notified for information of all concerned that the Manas National Park and Tiger Reserve shall remain closed for all ecotourism activities for the visitors as under, subject to the weather conditions and till further notice:

1. Elephant Safari & River Rafting - closed w.e.f. June 9th 2025

2. Jeep Safari & Elephant upkeep - closed w.e.f. June 20th 2025

Sd/-
Field Director, Manas Tiger Reserve
DIPR /D/BSA61/5-Jun-25

No.CSB/BTC-06/2025/79,

NOTICE

It is for general information to all concerned that oral interview/viva-voce test for the post of Gr.IV under entrusted department, BTC against the Advertisement issued in news print media i.e (i) The Assam Tribune, Dated 4th April, 2025 and 20th May, 2025 (ii) Asomiya Dainik Agradoot (Assamese) Dated 4th April, 2025 and 20th May, 2025 and (iii) Bodosa (Bodo), Dated 4th April, 2025 and 20th May, 2025 vide No. CSB/BTC/06/2025/73, Dated 4th April, 2025 and No. CSB/BTC-21/2025/8, Dated Kokrajhar, 20th May, 2025 will be conducted on 13th & 14th June 2025 at the venues/centre given below.

Sl. No.	Name of District	Centre for Oral Interview/Viva-Voce
01	For the candidates of Kokrajhar District.	
02	For the candidates of Chirang District.	CSB Office Building, Station Road, Kokrajhar
03	For the candidates of Baksa District.	District Library Office Building, Baksa, Mushalpur (Bathupuri)
04	For the candidates of Tamulpur District.	
05	For the candidates of Udalguri District and newly added 60(sixty) villages of Biswanath & Sonitpur Districts.	District Library Office Building, Udalguri, Lal Godown near Udalguri HS School, Udalguri.

Call letters for Oral Interview/Viva-Voce test have been uploaded in the official website of CSB, BTC, Kokrajhar. For details, candidates may visit official website. www.centralselectionboard.com

Sd/-Member Secretary
Central Selection Board
BTC, Kokrajhar
IPR(BTC)/C/2025-26/585

No.HDBK-34/6th ASFC/01/2025-26/2464

NOTICE INVITING TENDER

Sealed Tender are invited for the works to be drawn in F-2 Form with affixing Non-refundable Court Fee of Rs.8.25 (Rupee Eight and Twenty Five Paisa) only from the intending Registered Contractor of Class-II and Class-I (A, B&C) Category of Assam PWD (Roads & Building) only in a prescribed Forms. The Tender will be received on 26/06/2025 up to 2.00 P.M. in the Office of the undersigned and will be opened at 2.30 P.M. and the same will be submitted to the BTC, Kokrajhar for approval.

Name of work	Estimated Amount	Bid Security		Cost of Tender appear	Time of Completion
		Others/Gen	ST/SC/OB C/ MOBC		
Const. of RCC slab Culvert at Sahajuri to Telipara village link road under Haraputa VCD under 6 th ASFC (2 nd Inst.) for the Financial Year 2023-24 During 2024-25	Rs. 5,00,000.00	Rs. 10,000.00	Rs. 5,000.00	Rs. 500.00	3 (Month) Months from the date of issue of work Order

Detail N.I.T. may be seen in all working days during office hours in the office of the undersigned.

Sd/-Block Development Officer
Hatidhura Dev. Block, Hatidhura
IPR(BTC)/C/2025-26/582

बोथोर बिफानआ दिल्लीआव अखानि येल' एलार्ट फोसावदों

गोदान दिल्ली, 4 जुन: हादसाले बोथोरआ गोखैयै सोलायगासिनो दड। माखासे राइज्योफोराव मौसुमि बोथोरआ आगान होफैबाय। बेराफासैं सा-सान्जा राइज्योफोराव दै बानाजों सिलिंखार जानांबाय। मनपुर, आसाम, सिक्किम, अरुनाचल प्रदेश, इम्फल हायेन आरो खाथि-खालानि ओन्सोलफोराव थाद'नाय गैयै अखा आरो दै बानानि जाहोनाव जिउ खानायाव आबुडैं गोहोम गोग्लैदों। बेराफासैं बोथोर बिफाननि बादिल्ला, आथिखालाव साननैसिमआव बे राइज्योफोराव गोबां अखा हाबाय थागोननि एलार्ट फोसावदों। मनपुरनि सोनाब हायेन आरो बेनि थाखि-



खालानि ओन्सोलफोराव थाद'नाय गैयै अखा हानाय आरो दै बानाजों थासारिआ गाजि जादों। बेबादिआव बेयाव थाबथानानै थानाय

दावबायारिफोरखौ बाइजोआव दिहुन्नो थाखाय रेस्कु टीमआ नांथाबो। सा-सान्जा राइज्योफोराव आथिखालाव अखानिफ्राय रेहाय मोन्नाय

नडा। बेयाव फैगोन साननैसिमआव गोबा अखा हाबाय थानायनि एलार्ट फोसावदों। बेराफासैं हादरनि गुबुन बाहागोफोरावबो मौसुमि

पाकिस्तानआव हिन्दुफोरनि सायाव इनाय-अनागार खालामनाय जाथाया सोराडव फैदों

कराचि, 4 जुन: पाकिस्तानआव हिन्दुफोरनि सायाव इनाय-अनागार खालामनायनि मोनसे गोदान जाथाया सोराडव फैदों। मोनसे सरासन्ना लामानि जाब्रथायाव हिन्दु बिदा-बिनानावखौ गाजि रोखोमै बुदों। कराचिनि सासे मिडिया इन्टरप्रिनियर आरो बिनि सांग्रां बडिगार्डफोरा बिसोरनि सायाव गाग्लोबदों आरो बुदों। नाथाय बे जाथायनि भिडिअआ गोसारनायनि उनाव इन्टरनेट मिडियाआव सुबुंफोरनि सोंखारिनायनि जाहोनाव



इन्टरप्रिनिरखौ हमनाय जादों। जायगानि सुलुं बादिल्ला, लाइमोनखौ गाग्लोबनायनि भिडिअआ इन्टरनेट मिडियाआव गोसारनायनि उनाव सलमान फारुक आरो

बिनि हेफाजाब होग्राफोरखौ समबारखालि हरआव कराचिआव हमनाय जादों। गिबियाव मोनजेन्नाय सुलुंनि बादिल्ला, बे जाथाया रबिबारखालि डिफेन्स ससाइट

इतेहाद ओन्सोलाव जादों। सुधिर घुन राजआ गावनि बिनानाव कल्पनाखौ लायनो थादोंमोन, जाय मोनसे बिउटि पारलारआव खामानि मावो। बिखौ लायनायनि उनाव बिसोरो गावसिनि उन्दै फंबायखौ लायनो थाखाय थांगसिनो दडमोन। बेसमावनो बिसोरनि मथर साइकेलआ फारुकनि कारजों सौग्रावदों। फारुक आरो बिनि सांग्रां बडिगार्डफोरा सुधिर घुन राजखौ गाजि रोखोमै बुदों। अदेबानि सुधिरआ निमाहा बिबाय थादोंमोन आरो कल्पनाआबो निमाहा होनो खावलायबाय थादोंमोन। महम्मद सालिम मुनि सासे सुबुड सोराडव फैदों, जायनि जाहोनाव पुलिसआ फारुकनि हेंथायै नायबिजिरनांदों। गिबियाव बिदा-बिनानावआ जेबो बुंनो एवा फोरमायनो हायाखैमोन, नाथाय सालिमनि अजद होनायाव गिबि केस थिसन्नायनि उनाव बिसोरो आवगायबोदों। गिबियाव जिउ फोजोबनो हुमखि होनाय, गाग्लोबनाय, आइजोखौ जिनाहारि खालामनो होन्ना रायनायनि दाय जाबसिन्नाय जादों।

खोला करियानि लिबारेल बेरेखा दोलोनि बिजाथि लि जे-म्यांखौ हादतगिरि महरै सायख'बाय



सियल, 4 जुन: खोला करियानि लिबारेल बेरेखा दोलोनि बिजाथि लि जे-म्यांखौ बुधबारखालि हादतगिरि महरै सायख'नाय जादों। बिथांखौ बुधबारखालिनो हादतगिरि मासिनि समाइखिरा लाहोनाय जाबाय। उन्दैनिफ्रायनो लेबार मावबोनायनिफ्राय लानानै हादतगिरि मासिसिम सौफैनाय बिथानि जिउनि दावबायनाया थुलुंगा खांथाव। लि जे-म्यांनि देरहासार जानायजों खोला करियाआव थांनाय माखासे दाननिफ्राय सोलिबोबाय थानाय

राजखान्थि बेले-बेजेआ थाद'गासिनो। सोलिफु बोसोरनि जागायनायाव हादतआव मार्शेल ल' लागायनायनि जाहोनाव इमार्जेन्सि हादतगिरि युन सुक यलखौ एप्रिल दानआव मासिनिफ्राय एंखलायनाय जादोंमोन, जायनि उनाव बे बिसायख'थिखौ खुंनाय जायो। बिसायख'थि आयगनि बुधबारखालिनि अन्जिमानि बादिल्ला, 99.2 जौखोन्दो भट सानखांबाय। लि जे-

म्यांआ 49.3 जौखोन्दो भट मोन्दों। कन्जार्भेटिभ बिजाथि किम मुन सुआ 42 जौखोन्दो भट मोन्दों। मुनआ जेन्नायखौ गनायना लाबाय आरो म्यांखौ बिसायख'थि देरहानायनि थाखाय हामलायथि हरदों। खोला करियाआव मंगलबारखालि हादतगिरि मासिनि थाखाय भट जादों। बेनि उनाव हादतनि मोन्थाम गाहाइ टिभि चेंनेलफोर केबिएस, एमबिसि आरो एसबिएसनि गेजेरजों एक्जिट पल खालामनायाव लि जे-म्यांखौ 51 जौखोन्दोनिखुइ बांसिन भट मोन्दों होन्ना हमदांदों। पिपिपिनि बिजाथि मुनखौ 39 जौखोन्दो भट मोन्दों होन्ना हमदांदों। म्यांआ र्यगि ओन्सोलनि गभर्नर आरो सियंनाम सहरनि मेयरबो जाखांबाय।

आमेरिकायाव फांगास लाबोनाय चीननि सानै साइन्टिस्टफोरखौ हमदों

वाशिंग्टन, 4 जुन: आमेरिकानि जास्टिस डिपार्टमेन्टआ थांनाय मंगलबारखालि बुडोदि, चीननि सानै बिगियानगिरिफोरनि सायाव गोब्राबै आमेरिकायाव मासे बिष गोनां फांगासनि स्मगिलं खालामनायनि दाय जाबसिनो। बिसोर सानैजों कापोल आरो बिसोर बिष गोनां फांगासनि सायाव गंसे आमेरिकानि इउनिभासिटियाव रिसार्च खालामनायनि बिथांखि लादोंमोन। मिशिवाननि सान्जा जिल्लानि आमेरिकानि अटर्नी मावख'आ मोनसे बिबुंथियाव बुडोदि, 33 बोसोरनि युनकिं जियान आरो 34 बोसोरनि जुनयं लियुनि सायाव



खैसार सानाय, स्मगिलं खालामनाय, नंखाय बिबुंथि आरो भिजा गेना खान्थि खालामनायनि दाय जाबसिनो। आथिखालाव आमेरिकानि पुलिसआ जियानखौ ग्रेप्टार खालामबाय आरो लियुखौ दासिमबो हमनो मोनाखै। जेव्ला आबाद, उद्यग आरो जाग्रा आदार जगायना होनायखौ गोहोम खोखलैनो थाखाय हाथियार महरै जैविक, रासायनारि एबा रेडिय

लजिकेल स्टक बाहायो अब्ला एग्र टेक्स्म बुनाय जायो। गोरलै रावआव बुडोव्ला बबेबा हादतआव जाग्रा आदारनि अलखद सोमजिहोनो थाखाय जैविक, रासायनिक एबा रेडिय लजिकेल आयदाफोरखौ बाहायनानै गोसो जाना बेयावनि फसलफोरखौ सिलिंखार खालामनायनो एग्र टेक्स्म। मानोना बेयो बे हादतनि रांखान्थि, सावस्त्रि आरो समाजआव गोहोम खोखलैयो। आमेरिकायाव थिसन्नाय अजदनि बायदिल्ला, जियान आरो बिनि बयफ्रेन्ड लियु सानैबो सिगाडव चीनआव फांगासनि सायाव खामानि मावदोंमोन।

बारग' गाहाइ मन्थि इमरान खानआ सान्थि गाहाइ जेनेरेल आसिम मुनीरनि सायाव दाय जाबसिन्दों



गोदान दिल्ली, 4 जुन: जेलआव जोबथेजानाय पाकिस्ताननि बारग' गाहाइ मन्थि इमरान खानआ सान्थि गाहाइ जेनेरेल आसिम मुनीरनि सायाव गोखों दाय जाबसिन्दों। इमरान खानआ सान्थि गाहाइ जेनेरेल आसिम मुनीरनि आखुनि सोमोन्दै बुंदोंदि, बिखौ इन्टर-साभिसेज इन्टेलिजेन्स (आइएसआइ) नि गाहाइ बिथोनगिरि मासिनिफ्राय बोखलायो। बेनि उनाव बियो बिसि बुशर बिबिनि हेंथा जायो। इमरान खानआ बुंदोंदि, जेव्ला आं जेनेरेल आसिम मुनीरखौ डिजि आइएसआइ मासिनिफ्राय बोखलायो अब्ला बियो बे केसनि सायाव सावरायनो थाखाय गेजेरनि जानानै आनि बिसि बुशर बिबिजों सोमोन्दो लाखिनो नाजायो। आथिखालाव बुशरा बिबिआ बेबादि केसफोरजों जेबो लोब्बा गैया आरो बिजों लोगो हमा होन्नानै

रोखायै नेवसियो। इमरान खानआ बेनि सायाव बुंदोंदि, बुशरा बिबिखौ 14 दान जोबथेनाय आरो जेलआव सोंखारिथाव आखु बाहायनायनि आन्दोआव जेनेरेल आसिम मुनीरनि गाजि आखु दड। इमरानआ बुंवावदोंदि, बुशरा बिबिनि सायाव हेफाजाब होनाय आरो थुनज्जायनायनि दाय जाबसिन्दों। बेयो मोनसे एरैबादि दाय जायनि थाखाय माब्लाबाबो जेबो फोरमान दिन्थिनाय जायाखै। आरो बिखौ मोनसेनि उनाव मोनसे नंखाय केसफोराव हमगासिनो दड।

बियो सासे गावयारि नोगोरारि, जाय सासे नख'र सामलायग्रा आइजो आरो बिहा राजखान्थिजों जेबो सोमोन्दो गैया। आंखौ थांनाय 4 सप्ताहनि गेजेराव बिजों लोगो हमनोबो गनायथि होयाखै। बिथाड बुंदों, थांनाय 2023 नि 9 मेआव जाय सान्थियारि फसंथानफोरखौ नोजोर होनाय जादों, बेयो लन्डन बिथांखिफोरनि बाहागोमोन। बेनि थांखिआ पाकिस्ताननि बयनिखुइ देरसिन राजखान्थियारि गोहो, पाकिस्तान तहरीक - ए-इन्साफ खौ फोजोबदोंमोन।

आमेरिकानि स्टील, एल्युमिनियामनि सायाव 50 जौखोन्दो टेरिफ जाबसिन्नाया दिनैनिफ्राय जागायसिगोन



वाशिंग्टन, 4 जुन: जुथाय राइज्यो आमेरिकाआ बुधबारनिफ्राय गुबुन हादतनिफ्राय लाबोनाय स्टील आरो एल्युमिनियामनि सायाव गावनि टेरिफखौ 2 गुण खालामसिगोन। हवाईट हाउसनि बायदिल्ला, हादतगिरि डनाल्ड ट्राम्पनि गेजेरजों मुंसाइनाय मोनसे बिथोन फोसावनानै बुडोदि, ट्राम्पनि बे थांखिया फालांगिनि बिथिडव गोदान, जेराव मोनै धातुफोरनि सायाव टेक्सखौ 25 जौखोन्दोनिफ्राय 50 जौखोन्दोसिम खालामनाय जादों। आथिखालाव ब्रिटेननिफ्राय लाबोनाय धातुनि सायाव टेरिफआ 25 जौखोन्दोयावनो थागोन। मानोना मोनैबो बाहागोआ गावनि सिगांनि फालांगियायि शदायनि शर्तफोरनि गेजेरजों टेक्स आरो कटाखौ थि खालामो।

बिथोनाव बुंनाय जायोदि, सिगाडव जाबसिन्नाय टेरिफखौ बांहोनायजों बेउद्यगफोर बांसिन मदत मोनगोन। हादतगिरि ट्राम्पआ थांनाय सप्ताहआव पेन्सिलभनियाआव इउएस स्टील प्लान्टआव फालांगिरिफोरखौ सोमोन्दो लाखिनानै स्टील आरो एल्युमिनियामनि सायाव टेरिफ बांहोनाय गावनि थांखिखौ

फोसावो। बेनि उनाव थांनाय 30 मेआव आमेरिका ट्रेड एक्सपेन्सन एक्ट 1962 नि आर्टिकेल 232 नि गेजेरजों स्टील आरो एल्युमिनियामनि सायाव थाखानाय 25 जौखोन्दो टेक्सखौ बांहोनानै 50 जौखोन्दो खालामना होयो। ट्राम्पआ गावनि गिबि हाबा मावनाय समाव स्टीलनि सायाव टेक्सखौ 25 जौखोन्दो आरो

एल्युमिनियामनि सायाव 10 जौखोन्दो खालामदोंमोन। भारतआ थांनाय बोसोराव आमेरिकानो 4.56 आरब डलारनि एल्युमिनियाम आरो स्टील दैथायहरदोंमोन। अदेबानि आमेरिकायाव भारतआरि स्टीलनि डिमान्डआ बांगासिनो दडमोन, जाहोनाव आमेरिकायाव स्टीलनि बेसेनफोरा बांगासिनो दड।

भारतआव करना भाइरासनि केसआ लान्थियै बांलांगासिनो दड



गोदान अन्जिमाफोरनि बादिल्ला 4 जुनखालि फु'नि 8:00 रिगासिमाव हादतआव करनानि गासै एक्विथ केसखौ सा 4,302

थिसन्नो मोन्दों। थांनाय 24 घन्टायाव करनानि एक्विथ केसआव 276 केस बांनायखौ नुनो मोन्दों। बेयाव बांसिन 64-

इउक्रेनआव लांखारजानाय साथाम भारतीय नोगोरारिफोरखौ रैखा खालामनो हाबाय

गोदान दिल्ली, 4 जुन: थांनाय दानआव इरानआव साथाम भारतीय नोगोरारिफोरा हरखाबै गोमादोंमोन। खमैबो 1 दानसिम नागिरनायनि उनाव बिसोरखौ रैखा खालामनो हायो। इरानआव थानाय भारतीय थान्दै मावख'आ मंगलबारखालि बेनि खौरांखौ होदों। इरानआव गोमानानै थानाय साथाम भारतीय नोगोरारिफोरा पान्जाबनिमोन। इरानआव सौहैनाय लोगो-

लोगोनो तेहरानआव बिसोरखौ लांखारनाय जादोंमोन। नाथाय तेहरान पुलिसआ साथामखौबो रैखा खालामनो हाबाय। साथाम भारतीयफोरखौ हुसनप्रित सिंह, जसपाल सिंह आरो अमृतपाल सिंह मुडै सिनायथिनाय जादों। इराननि तेहरानआव साथामखौबो लांखारनाय जादोंमोन। बेनि उनाव नख'रआव रंगो दाबिनाय जादोंमोन। लांखारनाय जाथायखौ खौरां मोन्नाय लोगो-लोगोनो नख'रआ बे



खौरांखौ सरकारनो होदोंमोन। मिडिया रिपोर्टनि बायदिल्ला, साथाम लाइमोनफोरा पान्जाबनि संगरुर, नवांसहर आरो

हशियारपुरनि नोगोरारिमोन। साथामबो आइन बेरेखा ट्रेभेल एजेन्टनि फाखनाव गोग्लैदों। बिसोरखौ अस्ट्रे लियाआव

खामानिनि गनायथि होगोन होन्नानै डंकि रुटनिफ्राय इरानआव लिंहरदोंमोन, जेराव साथामखौ लांखारनाय जादोंमोन। जाथायनि खौरांखौ मोन्नायनि उनाव भारतीय गुबुन हादतनि मावख'आ इरान सरकारजों लोगोसे लोगो नानानै नागिरनो बाश्ना होदोंमोन। इराननि थान्दै मावख'आ गासै भारतीयफोरखौ आइन बेरेखा ट्रेभेल एजेन्टसिनि आखायाव गोलैनो नाड होन्ना बिथोन होदों।

माहाम देहानि राहा

डाइबेटिस बेरामिफोरआ फुंआव सिखारनाय उनावनो माखासे मुवाफोर जानांगौ

डाइबेटिस खाँ सामलायनो थाखाय आदाराव गोसो होनाया जोबोद गोनांथार। मानोना जानाय-लॉनाया थाबैनो ब्लाड सुगारनि थाखोखौ बांहोयो। बेबादि थासारियाव सासे डाइबेटिस बेरामिआ सिखारनायनि उनावनो मा जानांगौ बेखौ मिबथिनाया गोनांथार। सरासनसायै बेखौ नुनो मोन्नाय जायोदि, सासे डाइबेटिस बेरामिफोरआ गोबां ब्लाड सुगार थायो। जुदि ब्लाड सुगारआ गोजौआव थाबाय थायोब्ला बिखा, किडनी आरो स्ट्रकनि खैफोदआ बांलाडे। बेबादि थासारियाव मुलिफोरजौं लोगोसे आदारनि फारसे गोबां गोसो होनांगौ। फुडव दसे समनि थाखाय ब्याम खालामनायखौ थि खालामनांगौ, जाय ब्लाड सुगारखौ सामलायनायाव गोरलै खालामगोन। बेजौं लोगोसे माखासे जाग्रा आदारफोरखौ सोफादेर, जायफोरआ सुगार बांनायखौ होबथायो। बेफोर जाग्रा मुवाफोरखौ गाहायाव होनाय जाबाय

1. **खारि बिलाइ:** आचार्य



बालकृष्णनि बायदिब्ला, सुगार बेरामिफोरा फुडव सिखारनाय लोगो लोगो खालि उदैयाव 10 खारि बिलाइ जानानै मुलाम्फा जानो हागौ। खारि बिलाइया उखैहाबनाय ब्लाड सुगारखौ बाडय खालामनायाव मदत खालामो। बेफोरो डाइबेटिस बेरामिफोरनि थाखाय जोबोद गोहोम गोनां। जुदि नोंथाड मोजां मोनोब्ला खारि बिलाइनि रोसिबो लॉनो हागोन।

2. दालसिनि: नैथि बेसादआ दालसिनि आरो लेबु। सुगार बेरामिफोरा फुडव गिलाससे दैयाव दालसिनि आरो लेबु लोडेब्ला मुलाम्फा जागोन। बेयो ब्लाड सुगारखौ सामलायनायाव गोरलै खालामो आरो डाइबेटिसनि थाखाय मुलाम्फा गोनां।

3. मेथी आरो जिरा: डाइबेटिस बेरामिफोरा मेथीनि दैबो लॉनो हायो। नोंथाड गोसो जायोब्ला बेफोरखौ गुबुन राहाजौं लॉनो हागोन। डाइबेटिस बेरामिनि थाखायबो मेथीनि देखौ मुलाम्फा गोनां होन्ना मानिनाय जायो। बेयो उखैहाबनाय सुगारखौ गोरलैयै बाडय खालामनायाव मदत खालामो।

4. आमलाइ: डाइबेटिस बेरामिफोरा 100 मिलिलिटरसो दैयाव सामुससे आपेल साइडार भिनेगारजौं लोगोसे 30 मिलिलिटरसो आमलखि एबा नारें लेबुनि रोसिबो लॉनो हायो। बेयो सुगारनि थाखोखौ सामलायनायाव मदत होगोन।

दिल्ली क्राइम सिरिजखौ रिचार्स खालामनायाव 7 बोसोर सम नांदौमोन



अटिटिनि समाव गोबां रोखोमनि थुनफावथाइ फारिफोर दं जाय गावसोरनि आयदाजौं सुबुंफोरनि गोसोखौ सासन खालामदौं गुबैयै क्राइम थ्रिलार सिरिजआ जोबोद मुंदांखा। बेबायदिनो मोनसे क्राइम थ्रिलार सिरिजआ ओरैबायदि जायनि मोन्नैबो सिरिजआ जोबोद जाफुंसारनायमोन। बिथांआ

गावनि मुंदांखा आरो एमीनि सायाव बिथा खालामनानै 8.5 रेंटि मोन्दौमोन आरो बिथाड मोनसे गेदेर हायुंआरि बान्थाखौ देरहादौंमोन। ओ, सावरायगासिनो, 2019 माइथायनि सिगां सिजनजौं लोगोसे अन्साइगिरिफोरजौंबो मोजां मोनजानाय बेबेव सिरिज दिल्ली क्राइमआ। दिल्ली

क्राइमखौ गिबि सिजननि थाखाय 48 थि एमी एवार्डसआव बयनिबो साबसिन ड्रामा सिरिजनि बान्था देरहादौंमोन। डायरेक्टर रिथी मेहतानि डायरेक्सनआव खालामनाय दिल्ली क्राइमनि सिगां सिजनआव गासै मोन 7 एपिसड दं आरो मोनफ्रोम एपिसडआ नायगिरिफोरखौ

मुखुब खालामदौंमोन। मिबथिहोनाय जायोदि, दिल्लीनि क्राइम निर्भया जिनाहारि जाथायनि सायाव खालामनाय जादौंमोन, जाय हादतखौ सोमावर्लुंदौंमोन। बेयो मोनसे सैथो सल'नि सायाव बिथा खालामजानाय फारिनि सेबखानायनि सिगां 6 बोसोरसिम बेखौ बिजिस्सनाय जादौंमोन। बे सिरिजआव गाहाइ फावखौ साबसिन फावखुंघि शेफालि शाहआ खालामदौंमोन, जाय सिरिजआव लेडइ कमिसनार जादौं। डिप्टि कमिसनार बर्तिका चतुर्वेदीआ निर्भया केसनि दायनिगिरिखौ नागिरनायनि खामानि मोनो। बे सिरिजआव शेफालि शाह, राजेश तैलां, अनुराग अशेर, रसिका दुग्गल आरो आदिल हुसैनआबो मोनसे गोखौं फाव खालामदौंमोन।

आइपिएल फाइनालाव जेन्नायनि उनाव प्रिति जिन्टानि मेगनाव मोदै

पान्जाब किं स (पिबिकेएस) नि हेंथायै मोनसे गोजोन्थाव फाइनलनि उनाव रयेस चेलेन्जार्स बेंगालरआव 2025 माइथायाव ट्रफि दैखानानै आइपिएल बिमुनि थाखाय गावनि गोलाव सम्प नेनायखौ फोजोबदौंमोन। फावखुंघि आरो पिबिकेएसनि लोगो अनार प्रिति जिन्ताया जेन्नायनि उनाव जोबोद दुखु मोन्दौंमोन। मंगलबाराव (3जुन) 2025 माइथायाव आइपिएल फाइनालाव पान्जाब किं सनि दावबायनाया जोबदौंमोन, रयेल महैरे चेलेन्जार्स बेंगालुरुआ बिमुखौ देरहादौंमोन, जाय प्रितिखौ जोबोद दुखु मोनहोदौंमोन। जेब्ला बिथांजोनि हान्जाया उन जानानै थाडे अब्ला बिथांजोआ गावनि गोसो बायनायखौ दोनखोमानो हायाखैमोन। मोखाडव दुखु जानायखौ नुनो मोन्नाय जादौंमोन। सशेल मिडियाआव



नुजानाय गोबां भिडिअ आरो सावगारिफोराव प्रितिति दुखुखौ नुनो मोन्दौंमोन, बनि मेगना मोदैजौं बुंफनबनायमोन। बिथां गोजा जोमग्रा आरो सलवारजौं लोगोसे गुफुर कुर्ला गान्दौं। श्रेयास अय्यरजौं लोगोसे प्रिति जिन्त्य बिथांखौ गेलेगिरिफोरनि खाथियाव थानानै गोजोनहोनायबो नुनो मोन्दौंमोन। बिथानि आखुवा

मालायलम सावथुननि मुंदांखा फावखुंघि पार्वटी थिरुमथुआ केरेला सरकार आरो गिबि मन्थि पिनाराइ बिजयननि सोंथि खालामदौं। बिथाड सावथुन मुलुगाव आइजोफोरखौ आथोनारि जिनाहारि खालामनायखौ मानो बन्द' खालामाखै आरो सोबख'नायनि सायाव जास्टिस हेमा कमिटिनि रिपर्टनि सायाव मानो माबाफोर राहा दैखानाय जायाखै होन्ना रिपर्टखौ सोंथि खालामदौं। बे सरकारनो बा बोसोर सिगां 2019 माइथायाव सरकारनो गथाइनाय जादौंमोन, नाथाय दासिमबो बेखौ नायबिजिरनाय जायाखै। पार्वटीआ समबाराव गावनि इनस्टाग्राम

दिथागिरि प्रकाश झाआ केट्रिना कैफआ राजनीतिआव 15 बोसोर आबुं जाबाय होन्ना बुंदौं

2010 माइथायाव रिलिज जानाय सावथुन 'राजनीति' आव रणबिर कापुर आरो केट्रिना केपनि फाव खालामनायखौ अन्सायगिरिफोरा दासिमबो बावना थाडाखै। बे राजखान्थियारि थुनफावथायाव सानै स्टारफोरनि रोंग'थिखौ मोनसे गोदान जायगा होदौं। बावैसो दिथागिरि प्रकाश झा आरो स्क्रिन लिग्गिरि अंजुम राजाबालीआ स्क्रीन लाइसिजौं सावययनाय सावथुननि उरनि सल'खौ फोरमायो। बिथाड फोरमायदौंमोनदि, माबोरै रणबिरआ गावनि गोरलैयै फाव खालामनायजौं बयखौबो सोमोनां होदौंमोन। केट्रिनाआ 40 सानसिम गोब्राब खामानि मावदौंमोन आरो गावनि आखुखौ मोजाडै दिन्थिदौंमोन। राजनीति आ मोनसे समाजआरि र। ज ख। नि थ गि र थुनफावथायमोन, जाय गिबियाव महाभारतनिफ्राय थुलुंगा जायाखैमोन, नाथाय उनाव बेनि आयदाफोरा महाभारतजौं रोखोमसे जायो। प्रकाश झाआ बुंदौंमोन, आनि सावथुन 'गंगाजल एबा 'अपहारण' बायदि सावथुनफोरा मोनसे जुनिया जाथायनिफ्राय



थुलुंगानायमोन, नाथाय रणबिरनि आखुआ समर प्रताप आरो केट्रिना

आखुआ इन्दु (द्रौपदी) निफ्राय थुलुंगानायमोन। अन्जाम

मुंदांखा रेपार एमिनेमआ मेटानि बेरेखायै 900 कौटि रांनि मोनसे गसर थिसन्दौं

आमेरिकानि मुंदांखा रेपार एमिनेमआ फेसबुक, इंस्टाग्राम आरो व्हाट्सएपनि गुदि कम्पनी मेटानि बेरेखायै 900 कौटि (फ्राय 108 मिलियन डलर) नि थाखाय गसर थिसन्दौं। एमिनेमआ अजद होदौंदि, मेटाआ बिथानि गनायथि गैयालासे बिथानि मेथाइफोरखौ बाहायदौं। बिथानि(एमिनेम) सेबखांग्रा कम्पनी एट माइल स्टाइलआ डेट्रयटनि जथाय बिजिरसालियाव बे गसरखौ थिसन्दौं। बे केसआ मेटानि दैखो बाखि आरो इनस्टाग्रामनि रील्स रीमिक्स बायदि आखुथायफोरजौं सोमोन्दो गोनां, जेराव एमिनेमनि मेथाइफोरखौ लाइसेन्स गैयालासे बाहायनाय जादौं। गसरआव दाबि खालामदौंदि, मेटाआ एमिनेमनि मेथाइफोरखौ गावनि दैखो बाखिआव सोफादौं आरो बाहायगिरिफोरा बेफोरखौ रील्स रीमिक्स आरो गुबै अदिय' बायदि आगजुफोरनि गेजेरजौं बाहायदौं। बेनि फिथाइ महैरे बिथांमोननि मेथाइफोरखौ लाख-लाख भिडिय'आव बाहायनाय जादौं आरो कौटि-कौटि खेब स्ट्रीम खालामनाय जादौं। बेफोर गासैबो जेबो नंगुबै लाइसेन्स गैयालासे जादौं। एट माइल स्टाइलआ दाबि खालामदौंदि, मेटाआ 2020 माइथायाव निउयर्क डिजिटेल लाइसेन्सिं फार्म अडियामनि गेजेरजौं गावसोरनि मेथाइफोरखौ लादौं,



नाथाय बे गोरोबथाया आयेन बेरेखा। गसरआव बुंदौंदि, मेटाआ गोबां रोखोमै कपीराइटखौ सिफायदौं। कम्पनीआ एमिनेमनि मेथाइफोरनि थाखाय थि बिथोनलाइ लायाखै आरो गनायथि लायाखै। एट माइल स्टाइलआ दाबि खालामनाय बादिब्ला, मेटाआ डिजिटेल मिलेनियम कपीराइट एक्ट (डिएमसिए) सेफ हार्बर नेमफोरखौबो मुलाम्फा लानो हाया, मानोना बेयो गोसोजानानै नेमफोरखौ सिफायदौं।

कम्पनीआ सिगाडव 2013 माइथायाव गनायथि गैयालासे मोनसे फोसावथायाव एमिनेमनि मेथाइ आन्डार दा इनफ्लुयेन्सखौ बाहायदौं। एट माइल स्टाइलआ मेटानिफ्राय खहा सुफुनो दाबि खालामदौं, जायखौ मेटानि फोसावनाय आरजिनाय एबा कपीराइट सिफायनायनि सायाव बिथा जागोन। बेजौं लोगोसे बिसोरो मेटाजौं एमिनेमनि मेथाइफोरनि बाहायनायखौ अरयाथा होबथानो दाबि खालामगासिनो। जुदि बे

‘किं अफ दा हिल’ नि फावखुंगुर जनाथन ज 'सखौ टेक्सासआव गुलि गावना बुथारदौंमोन

सेन एन्ट'निय टेक्सासनि सासे मुंदांखा भयस एक्टर जनाथन ज 'सखौ रबिबारनि मोनायाव गुलि गावनानै बुथारनाय जादौंमोन। 59 बोसोर बैसोनि जनाथनआ किं अफ दा हिल आव जन रेडकन'खौ गारां होनायनि थाखाय मिबथिजायोमोन। बे जाथायाव पुलिसआ बिथानि न'मुंसेनि सासे 56 बोसोर बैसोनि गिगफ्रेड सेजा अल्वारेजखौ खायो आरो बुथारनायनि दाय जाबसिन्दौंमोन। जनाथननि फिसाय ट्रिस्टन केन डी गन्जालेसआ जाब्रथायखौ रोखा खालामो आरो बेखौ मुगैथाव गाग्लोबनाय बुंदौंमोन। सेन एन्ट'नियनि पुलिसनि बायदिब्ला, रबिबारखालि मोनाबिलिनि 7:00 रिगासोआव जनाथननि न'आव गुलि गावनायनि खौरां मोन्दौंमोन। जेब्ला पुलिसआ जाथाय जानाय जायगायाव सौहैयो अब्ला जनाथनआ लामा खाथियाव



जोखोम जाना गोलैन्ना दड्डमोन। पुलिसआ बनि जिउखौ रैखा खालामनो नाजादौंमोन, नाथाय जेब्ला एम्बुलेन्सआ सौफैयो अब्ला बिथांखौ थैबाय होन्ना फोसावयो। ट्रिस्तानआ बुदौंमोनदि, बिथांजो आरो जनाथनआ गावसोरनि गोजाम न'आव मेल चेक खालामनो थांदौंमोन, जाय जानुवारिआव अर खामनानै जौबस्त्रांदौंमोन। बे अर खामनायाव बिथानि फिसनाय माथाम सैमाफोर थैदौंमोन आरो बैयाव सैमानि ड्रेस आरो बनि हार्नेसखौ मोन्नाय जादौंमोन आरो बिसोर सानैबो दुखु जायो। अब्ला सासे मानसि बिथांमोनहा

राजबालिआ फोरमायदौंमोनदि, जेब्ला प्रकाश झानि रणबिरआ फाव खालामनो थाखाय थियारि जादौंमोन, अब्ला बिनि सिगांनि सावथुन 'सावरिया' आबो रिलिज जायाखैमोन। राजबालिआ सन्देह खालामदौंमोनदि रणबिरआ बेबादि गोब्राब आखु दिन्थिनो हागोनना। नाथाय बिथाडा भपालनि सेटआव रणबिरनि मोनसे सिरि नुथायखौ नुनानै गोमोदौंमोन।

